

Matumuuna Inatsisartut Suleriaasianni § 33 naapertorlugu Naalakkersuisut aalajangiiffigisatut siunnersuutinik makkuninnga saqqummiussaqarput

Uunga siunnersuut: Aningaasanik nuussinerni paasissutissat ilanngullugit nassiuneqartussat pillugit Kalaallit Nunaannut Inatsit pillugu siunnersummut Namminersorlutik Oqartussat oqaaseqaataannut Inatsisartut aalajagiiffigisassaattut siunnersuut.

Uunga siunnersuut: Aningaasanik peqquserluutinik malunnarunnaarsaasarniq pinerliiniarnernillu aningaasalersuisarneq pinaveersimatinnissaannut inatsisip Kalaallit Nunaannut atuutilersinera pillugu peqqussut Namminersorlutik Oqartussat akuersisuteqarnissaat pillugu Inatsisartut aalajangiiffigisassaattut siunnersuut.

Inuussutissarsiornermut Nukissiuuteqarnermullu Naalakkersuisoq

Tunngavilersuut

Aningaasanik nuussinermi paasissutissat ilanngullugit nassiunneqartussat pillugit Kalaallit Nunaannut inatsisissatut siunnersummit Namminersorlutik Oqartussat akuersissuteqarnissaat, aamma malunnarunnaarsaaneq aamma naalliutsitsisarnermik aningaasaliisarneq akiorniarlugit pitsaliuinermi iliuusissat pillugit Kalaallit Nunaanni atuutilernera pillugu peqqussutaanik Namminersorlutik Oqartussat ilanngunnissaat pillugit Naalagaaffimmi oqartussaqarfimmit qinnuiginninnerup kingornatigut aalajangiiffigisassatut siunnersuut saqqummiuneqarpoq.

Maannakkut aaqqiissutaasup atuukkunnaarsinnissaa pillugu aalajangiussinissamik EU Kommissionip isumaliutiginninneranik Europa-Kommissionip Erhvervsministereqarfimmot (Inuussutissarsiornermut Ministereqarfimmot) ilisimatitsisimanera, tamatuma kingornatigut Danmarkip aamma Kalaallit Nunaata akornanni aningaasanik nuussinerit EU-p iluani nuussinertut suliarineqarsinnaalissallutik. Kommissionip nalunaarutiginninneranut tunngavigisaq tas-saavoq aningaasanik nuussinermut peqqussutip Kalaallit Nunaannut suli atuutsinneqannginera.

Peqatigiisitatut malunnarunnaarsaaneq aamma naalliutsitsisarnermik aningaasaliisarneq akiorniarlugit pitsaliuinermi iliuusissat pillugit inatsisip (malunnarunnaarsaanermut inatsit) Kalaallit Nunaannut atuutsilernissaa pillugu peqqussutip, aamma aningaasanik nuussinermi paasissutissat ilanngullugit nassiunneqartussat pillugit inatsisissatut siunnersuutip akuersissutiginissaat pillugit siunnersuutigineqarpoq. Nunani tamalaani malunnarunnaarsaanermut aamma naalliutsitsisarnermik aningaasaliisarnermут akiunnermut ataatsimoorussatut attaveqarnissap pilersinnissaanik malittarisassiat pingarnertut tunngaveqartitaapput. Killeqarfait akimorlugit, aammalu Financial Action Task Force (FATF) aqqutigalugu aningaasanik malunnarunnaar-

saaneq aamma naalliutsitsisarnermik aningaasaliisarneq akiorniarlugit nunat tamalaani su-leqatigiinnermut Namminersorlutik Oqartussat ilanngussimapput. Financial Action Task Force-mi (FATF-imut) aamma EU-mi malunnarunnaarsaanermut malitassaasa sisamaata ilaannit nunat tamalaani najoqqtassat kingulliit tamakku ilaannik peqqusummut allaqqaagaq pivi-usunngortitaqarpoq.

Aningaasanik nuussinermi paasissutissat ilanngullugit nassiunneqartussat pillugit Kalaallit Nunaannut inatsisisatut siunnersuutikkut Danmark assigalugu nunanut isumaqatigiissutit avataanniittunut aningaasanut nuussisoqarnermi ilassutitut piumasaqaatitaqanngitsunik Kalaallit Nunaanni aningaasalerinermik suliaqarfiiit aningaasanik nuussisinnaallutillu tigusaqartuarsinnaassapput. Tamatuma aamma assersuutigalugu naalagaaffiup ilaanut taakkunnga taak-kunaniillu nuussinernik aningaaserivii ettiinnaartumik akuerinnituarsinnaanissaannik periarfissiissaq. Pissutaalluni aningaasanik nuussinernut atatillugu Kalaallit Nunaat nunatut isu-maqatigiissutaasut avataaniittutut isigineqarunnaartussaassammat.

Siunnersuut piffissaq eqqorlugu akuersissutigineqassanngippat aningaasalerinermik sulias-saqarfimmun kingunerisassat tassaassaapput Kalaallit Nunaanni inatsisaasut EU-mi atuuttutut najoqquaasunik malittarinnginnerat, kingunerissallugu aningaasanut nuussinernut tunngatil-lugu Kalaallit Nunaata nunatut isumaqatigiissuteqarfiiit avataaniittutut isigineqartussaanera.

Namminersorlutik Oqartussanut aningaasaqarnikkut kingunerisinnaasat

Aningaasanik nuussinermi paasissutissat ilanngullugit nassiunneqartussat pillugit Kalaallit Nunaanni inatsisisamut siunnersuut aamma malunnarunnaarsaaneq aamma naalliutsitsisar-nermik aningaasaliisarneq akiorniarlugit pitsaaliuinermi iliuusissat pillugit inatsit (malun-narunnaarsaanermut inatsit) Namminersorlutik Oqartussanut aningaasaqarnikkut kinguneris-sassartaqanngilaq.

Inuutissarsiorfimmun il.il. aningaasaqarnikkut aqutsinikkullu kingunerisinnaasat

Aningaasanik nuussinermi paasissutissat ilanngullugit nassiunneqartussat pillugit Kalaallit Nunaanni inatsisisamut siunnersuut aamma malunnarunnaarsaaneq aamma naalliutsitsisar-nermik aningaasaliisarneq akiorniarlugit pitsaaliuinermi iliuusissat pillugit inatsit akuerisaas-sanngippat tamanna Kalaallit Nunaanni aningaasalerinermik ingerlatsivinnut aamma ataatsi-mut isigalugu inuutissarsiorfiusumut annertuunik killup tungaanut, tigussaasunik aamma aningaasaqarnermi kingunerisassanik nassataqarumaarput.

Tusarniaaneq

Aningaasanik nuussinermi paasissutissat ilanngullugit nassiunneqartussat pillugit Kalaallit Nunaanni inatsisisamut siunnersuut tamanut ammasumik ulloq 28. januarimiit 28. februar 2019-imut tusarniaassutaasimavoq, toqqartukkatullu tusarniaaffigisatut illua'tungerisanut nas-siunneqarsimalluni.

Tusarniaaneq apeqqutinut qulaajaasunut ataasiakkaanut tunngavissiisimavoq. Tusarniaaner-
mut akissumminni GrønlandsBANKEN aamma BankNordik aningaasanik nuussinermi paa-
sissutissat ilanngullugit nassiunneqartussat pillugit Kalaallit Nunaanni inatsisisamut siu-
nersummi aamma malunnarunnaarsaaneq aamma naalliutsitsisarnermik aningaasaliisarneq
akiorniarlugit pitsaliuinermi iliuusissat pillugit inatsimmi (malunnarunnaarsaanermut inatsit)
malittarisassiat Kalaallit Nunaannut atuutsinnejalernissaasa pingaaruteqassusiat erseqqis-
sarsimavaat.

Malunnarunnaarsaaneq aamma naalliutsitsisarnermik aningaasaliisarneq akiorniarlugit pit-
saaliuinermi iliuusissat pillugit inatsimmut peqqusummik Naalagaaffimmik oqartussaasoqar-
fiit tusarniaasitsisimapput.